

PRIMLIENO:	12.10.2009.		
Organizaciona jedinica	Klasifikaciona oznaka	Redni broj	Broj priloga
01/a-50-1-15-59/09			



BOSNA I HERCEGOVINA  
URED ZA RAZMATRANJE ŽALBI

БОСНА И ХЕРЦЕГОВИНА  
КАНЦЕЛАРИЈА ЗА РАЗМАТРАНЈЕ ЖАЛБИ

BOSNIA AND HERZEGOVINA  
PROCUREMENT REVIEW BODY

Broj: U-197/09  
Sarajevo, 12.10.2009.godine

PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM  
SARAJEVO

PREDMET: Odgovor na poslaničko pitanje  
- dostavlja se,


V e z a : Vaš dopis broj 01/a-50-1-15-59/09 od 09.09.2009.godine

Poštovani,

U prilogu Vam dostavljamo odgovor na poslaničko pitanje koje je Uredu za razmatranje žalbi na 59. sjednici Predstavničkog doma Parlamentarne skupštine Bosne i Hercegovine, održanoj 02.09.2009.godine, postavio poslanik Bajazit Jašarević.

S poštovanjem.

PRILOG: kao u tekstu



Odgovor na poslaničko pitanje  
koje je Uredu za razmatranje žalbi na 59. sjednici  
Predstavničkog doma Parlamentarne skupštine Bosne i Hercegovine  
održanoj 02.09.2009.godine postavio poslanik Bajazit Jašarević

Sadržina poslaničkog pitanja:

“Koliko je žalbi na procedure javne nabavke uloženo u periodu 1. januar 2009. do 31. augusta 2009.godine? I koliko je od uložениh žalbi riješeno. Koliko je žalbi riješeno u zakonskom roku? Koliko je prosječno vrijeme za rješavanje po žalbama u 2009.godini? Koliko je ostalo neriješenih žalbi iz ranijeg perioda i do kada će biti riješene sve neriješene žalbe iz ranijeg perioda.? Kojim mjerama će Ured za žalbe dostići ažurno rješavanje po žalbama u zakonom utvrđenom roku?

Odgovor na poslaničko pitanje:

U periodu od 01.01.2009.godine do 31.08.2009.godine Ured za razmatranje žalbi je primio ukupno 933 žalbe izjavljene u postupku javnih nabavki.

U periodu od 01.01.2009.godine do 31.08.2009.godine od 933 uložene žalbe, Ured za razmatranje žalbi je riješio 822 žalbe.

Od broja riješenih žalbi 805 žalbi riješeno je u zakonskom roku. Prosječni rok rješavanja ovih žalbi bio je 19 dana.

Od žalbi zaprimljenih u periodu od 01.01.2009.godine do 31.08.2009.godine ukupno 17 žalbi nije riješeno u zakonskom roku iz razloga koji su specifični za svaki pojedini predmet. Prosječni rok rješavanja ovih žalbi bio je 77 dana.

Sve žalbe zaprimljene u Uredu za razmatranje žalbi u periodu od 01.04.2006. do 31.12.2008.godine (ukupno 2.958) su riješene, tako da nema neriješenih žalbi iz ranijeg perioda.

Prema tome, u periodu od 01.04.2006. do 31.08.2009.godine Ured za razmatranje žalbi je riješio ukupno 3.780 žalbi.

Zaključcima donesenih na 50. sjednici Predstavničkog doma Parlamentarne skupštine Bosne i Hercegovine održanoj 01.04.2009.godine (prilikom razmatranja Izvještaja o radu Ureda za razmatranje žalbi za 2008.godinu), koji se odnose na problematiku Ureda za razmatranje žalbi, predviđeno je između ostalog:

1. Zadužuje se Vijeće ministara BIH da u okviru svojih nadležnosti preduzme aktivnosti potrebne za stupanje na snagu Pravilnika o unutrašnjoj organizaciji Ureda za razmatranje žalbi.
2. Zadužuje se Vijeće ministara BIH da riješi sva neriješena pitanja u Uredu za razmatranje žalbi, a koja se tiču neusklađenosti Pravilnika o unutrašnjoj organizaciji Ureda za razmatranje žalbi, te da osigura uživanje svih prava koja proizlaze iz radnopravnog statusa zaposlenih u ovom uredu.
3. Zadužuje se Vijeće ministara BIH da sve podzakonske akte vezane za rad Ureda za razmatranje žalbi uskladi s pravnom tečevinom EU.“

Vijeće ministara BIH do sačinjavanja ovog odgovora nije provelo naprijed navedene zaključke Predstavničkog doma Parlamentarne skupštine Bosne i Hercegovine (već je na prijedlog Ministarstva pravde BIH obavezalo Predsjedavajućeg Ureda za razmatranje žalbi za provođenje navedenih zaključaka iako isti navedene zaključke ne može provesti samostalno bez aktivnog učešća Ministarstva pravde BIH i Vijeća ministara BIH) a nadležne institucije do sada nisu prihvatile ili provele nekoliko mjera koje je predlagao Ured za razmatranje žalbi, iako bi provođenje naprijed navedenih zaključaka ili usvajanje predloženih mjera predstavljalo dodatni doprinos efikasnijem radu Ureda za razmatranje žalbi.

Kao neke od mjera koje doprinose ažurnijem obavljanju poslova iz nadležnosti Ureda za razmatranje žalbi, navodimo rad sadašnjeg predsjedavajućeg Ureda za razmatranje žalbi (koji na osnovu mišljenja Ministarstva pravde BIH, koje je prihvatilo Vijeće ministara BIH i koje je ugrađeno u Prijedlog Pravilnika o unutrašnjoj organizaciji Ureda za razmatranje žalbi), od 2006.godine do sada nije u mogućnosti da koristi godišnji odmor u Uredu za razmatranje žalbi u zakonom predviđenom trajanju, te skoro redovni višecasovni prekovremeni rad istog kako radnim tako i neradnim danima (iako uvođenje prekovremenog rada za istog nije odobreno za 2009.godinu u okviru mjera koje je predlagao Ured za razmatranje žalbi u svom Izvještaju o radu za 2008.godinu).

Pošto je Ured za razmatranje žalbi suočen sa najvećim brojem zaprimljenih žalbi u oblasti javnih nabavki u svim državama na području Jugoistočne Evrope, a vjerovatno i u svim državama Evropske Unije, nerealno je očekivati da Ured za razmatranje žalbi sa postojećim ljudskim i finansijskim resursima i bez različitih vidova dodatne pomoći nadležnih institucija Bosne i Hercegovine, može samostalno riješiti sve postojeće probleme koji negativno utiču na funkcioniranje sistema javnih nabavki u Bosni i Hercegovini.

Imajući u vidu sve naprijed navedeno, smatramo da rezultati dosadašnjeg rada pokazuju da Ured za razmatranje žalbi uglavnom ažurno obavlja poslove iz svoje nadležnosti uz značajno zalaganje postojećeg osoblja.

S poštovanjem.

Sarajevo, 12.10.2009.godine

PREDSJEDAVAJUĆI  
UREDA ZA RAZMATRANJE ŽALBI  
dr. Amir Pilav

